




# ხაშურის მთაშენი



№41 (242)

28 ოქტომბერი, ორშაბათი,

2019 წელი

## მუნიციპალიტეტის მერმა ამომრჩევლებს, მერიის მიერ, მიმდინარე წელს გაწეული მუშაობის ანგარიში ჩააბარა

ადგილობრივი თვითმმართველობის შესახებ, საქართველოში მოქმედი კოდექსის თანახმად, თვითმმართველი ერთეულის მერი ვალდებულია, ყოველი წლის ბოლოს, ამომრჩევლებს ანგარიში ჩააბაროს გაწეული მუშაობის შესახებ. კანონის ეს მოთხოვნა, ბუნებრივია, სრულდება ჩვენს მუნიციპალიტეტში და უკვე ტრადიციად იქცა, რომ ოქტომბრის ბოლოს ან ნოემ-

ბრის დასაწყისში მერი (მანამდე გამგებელი) ამომრჩეველთა ფართო აუდიტორიას ხვდება. ასე იყო ამჯერადაც და 24 ოქტომბერს, ხაშურის მუნიციპალიტეტის მერი, გიორგი გურასაშვილი ამომრჩევლებს შეხვდა. მისასალმებელია, რომ მერმა საუბარი დიალოგის ფორმატში წაიყვანა და წინასწარ შედგენილი დაწერილი „შაბლონი“ არ გამოყენებულა, რამაც ამომრჩეველამდე სათქმელის მიტანა ბევრად ეფექტური გახადა.

მერი შეეხო განათლების სისტემასაც და აღნიშნა, რომ მხოლოდ მიმდინარე წელს, მუნიციპალიტეტის სკოლების რეკონსტრუქციის 900 ათას ლარამდე დაიხარჯა. ცალკე თემა ფლევის ახლად შენებული საჯარო სკოლის შენობა, რომელიც მთლიანად ევროპული სტილისაა თავისი მინისტადიონით, სასპორტო დარბაზით თუ სხვა ინფრასტრუქტურით.

სოფლის მხარდაჭერის პროგრამით, რომელიც წელს კვლავ განახლდა, 844 ათასი ლარი დაიხარჯა სხვადასხვა პროექტებში, რომლებიც უშუალოდ ადგილობრივი მკვიდრების ინიციატივით და მოთხოვნით შედგა.

კვლავ პრიორიტეტად რჩება სოციალური დახმარებები და სოციალურად დაუცველთა თანადგომა. ამისთვის, წელს, უკვე დახარჯულია 800 ათასი ლარი და მატერიალური დახმარება 1400 კაცზე მეტს გაეწია.

მერმა კულტურულ ღონისძიებებზე და სასპორტო ცხოვრებაზეც ფართოდ ისაუბრა. აღნიშნა, რომ ფინანსები გამონახულია და წლის ბოლომდე გამოცხადდება ტენდერი რკინიგზის კულტურის სასახლის რეაბილიტაციისთვის და 2020 წელს ეს უნიკალური შენობა ნებისმიერი ღონისძიების მასპინძლობას შეძლებს. აქვე, მან ისაუბრა იმ სპორტულ მიღწევებზე, რომლებიც ჩვენი მუნიციპალიტეტის სასპორტო სკოლის აღზრდილებმა აჩვენეს. სასიხარულოა, რომ წელს ხაშურს ევროპის, მსოფლიოს პირველობის თუ მრავალ საერთაშორისო ტურნირებში გამარჯვებულები ჰყავს.

ანგარიშის ბოლოს, მერი კვლავ სამომავლო, 2020 წლის გეგმებს შეეხო და ისაუბრა იმ პროექტებზე, რომლებიც გაისადუნდა დაიწყო ან განხორციელდეს, ესენია ხაშურის წყალმომარაგებისა და წყალანირების სისტემის მშენებლობა, რომელსაც საფრანგეთის განვითარების სააგენტო გერმანიის რეკონსტრუქციის საკრედიტო ბანკთან ერთად დააფინანსებს და ამისათვის 40 მილიონ ევროს გამოყოფს. ასევე განხორციელდება სურამის ციხის რეაბილიტაცია, სოფლების გაზიფიცირება, ეთნოგრაფიული მუზეუმის, სურამის სტადიონის, ხაშურის ახალი ბიბლიოთეკის მშენებლობები და სხვა.

დასასრულს, მერმა მადლობა გადაუხადა მერიის, ა(ა)იპების, საკრებულოს თანამშრომლებს, აქტიური თანადგომისა და დაუღალავი შრომისათვის და კიდევ ერთხელ აღნიშნა, რომ რეგიონის ხელმძღვანელების, ქვეყნის მთავრობის აქტიური მხარდაჭერა გარანტიანია, რომ ხაშურის მუნიციპალიტეტის ეკონომიკური თუ კულტურული აღმასვლა შეუქცევადი პროცესი იყოს.

იმავე დღეს ამომრჩევლებს ანგარიში ჩააბარა ხაშურის მუნიციპალიტეტის საკრებულოს თავმჯდომარემ, მიხეილ ჯანაშვილმა. ანგარიშის სრულ ვერსიას გაზეთის მომდევნო ნომერში შემოგთავაზებთ.



უპიველესად, მერმა მადლობა გადაუხადა აუდიტორიას მობრძანებისთვის და აღნიშნა, რომ ასეთი შეხვედრები და ამომრჩეველთან მუდმივი დიალოგი არის არის გარანტი ნებისმიერი თვითმმართველი ერთეულის წინსვლისა.

საუბრის დასაწყისში აღნიშნა, რომ მუნიციპალიტეტის ბიუჯეტი, ბოლო ოთხ წელიწადში თითქმის გაორმაგდა, რამაც მერიას საშუალება მისცა, რომ ბევრად მეტი ინფრასტრუქტურული თუ სხვა სახის პროექტები განხორციელებულიყო, ვიდრე წლების უკან. ამას ფაქტებიც ადასტურებს: მხოლოდ მიმდინარე წელს 148 ტენდერი გამოცხადდა, რომელთაგან 94 დადებითად დასრულდა. განხორციელდა 200 შესყიდვა. მუნიციპალიტეტს აქტიურად უდგას გვერდში ქვეყნის მთავრობა და რეგიონში განსახორციელებელი პროექტების ფონდმა, ინფრასტრუქტურის სამინისტრომ, ჯამურად, 5 მილიონ ლარზე მეტი დახარჯა ბიჯნისის წყლის სათავე ნაგებობების მშენებლობის, მცხეთიჯვარი – წაღვლის, ხცი-სი-კრისხევის, ვაყის, სურამში გზების რეაბილიტაცია – მოასფალტებასა და სხვა სახის პროექტებში. ამჟამადც ფართო მასშტაბით მიმდინარეობს ხაშურში, ბორჯომის ქუჩის გასწვრივ, ღობეების მოწესრიგება. პარალელურად, მერმა ისაუბრა იმ მსხვილ პროექტებზე, რომელთა ნაწილი უკვე დასრულდა, რიგი კი მშენებლობის პროცესშია (სასპორტო კომპლექსი, ბეკმის გზის მოასფალტება, „ივერიის“ სტადიონის მშენებლობა, დიმიტრი ყიფიანის სახლ-მუზეუმის რეაბილიტაცია და სხვა...) აღნიშნა, რომ აღებული ტემპი არც



### ხაშურის მოსახლეობას, ადგილობრივი, საკანონმდებლო ხელისუფლების და სამხარეო ადმინისტრაციის წარმომადგენლები შეხვდნენ

ხაშურის მუნიციპალიტეტის მერთან-გიორგი გურასპაშვილთან ერთად, მოქალაქეების პრობლემებს ისმენდნენ საქართველოს პარლამენტის წევრები: სიმონ ნოზაძე, თემურ ხუბულური, შიდა ქართლის მხარეში სახელმწიფო რწმუნებულის მოადგილე სიმონ გუგუნიანი, ხაშურის მუნიციპალიტეტის საკრებულოს თავმჯდომარე მიხეილ ჯანაშვილი, მერიისა და საკრებულოს წარმომადგენლები.

შეხვედრებზე მოსახლეობამ იმ ინფრასტრუქტურულ პროექტებზე ისაუბრა, რაც მათი ყოფა-ცხოვრებისთვის ყველაზე მნიშვნელოვანია. კერძოდ, თევდორე მღვდლის ქუჩაზე დობეების მოწესრიგება ითხოვეს, რაზეც მერიისგან თანხმობა მიიღეს, რუსთაველის ქუჩაზე, მრავალსართულიანი ბინის მცხოვრებლებმა ლიფტისა და ფასადის მოწესრიგება დაასახელეს მნიშვნელოვნად. მუნიციპალიტეტის მერმა კი განუმარტა მათ, რომ ლიფტის პრობლემის მოგვარება უახლოეს დღეებში დაიწყება, ფასადების მოწესრიგება კი-გაზაფხულიდან.

შეხვედრებზე, ძირითადად პრობლემად წყალი სახელდებოდა, თუმცა, ხელისუფლების წარმომადგენლების განმარტებით, გაზაფხულიდან იწყება წყლის და კანალიზაციის მასშტაბური პროექტი და ქალაქში ეს საკითხი საბოლოოდ გადაიჭრება.



იმ დღეისთვის შეხვედრები, წმ ბარბარეს სახელობის ტაძრის, კულტურის სახლის, ცენტრალური პარკის და ლომოურის ქუჩების მიმდებარე ტერიტორიებზე გაიმართა.

ამ ფორმით, მოსახლეობის აზრის მოსმენა და მათი საჭიროებების შესწავლა, კვლავაც გრძელდება.

### საინფორმაციო შეხვედრა ნატოს დღეების ფარგლებში

ნატოს დღეების ფარგლებში, ხაშურში, ახალი ბანას ტერიტორიაზე საინფორმაციო შეხვედრა მოეწყო, რომელსაც შიდა ქართლის ოთხივე მუნიციპალიტეტში მცხოვრები უფროსკლასელები,

ბი, სტუდენტები და სოკუპაციო ხაზთან მდებარე სოფლებში მცხოვრები ახალგაზრდები დაესწრნენ. ღონისძიებას შიდა ქართლის სახელმწიფო რწმუნებულის გიორგი ხოჯევანიშვილი, საგარეო საქმეთა სამინისტროს ნატოსა და ევროკავშირის შესახებ საინფორმაციო ცენტრის დირექტორი თამარა წულეისკირი, საქართველოში ნატოს სამეკავშირეო ოფისის ხელმძღვანელი როზარია პუგლისი და საქართველოში პოლონეთის რესპუბლიკის ელჩი მარიუშ მაშკიევიჩი უძღვებოდნენ.



გამომსვლელებმა განსაკუთრებული ყურადღება გაამახვილეს ჩრდილოატლანტიკური ალიანსის მიზნებსა და ამოცანებზე, ნატო-საქართველოს თანამშრომლობის მექანიზმებზე, მიღწევებსა და გამოწვევებზე. ასევე ხაზი გაესვა საქართველოს ევროპულ და ევროატლანტიკურ სტრუქტურებში ინტეგრაციის პროცესში ახალგაზრდების ჩართულობის მნიშვნელობას. აღნიშნეს, რომ რეგიონებში მსგავსი სახის შეხვედრები მნიშვნელოვანია, რომელთა ფარგლებშიც მოქალაქეებს საშუალება ეძლევათ ინტეგრაციულ პროცესებთან დაკავშირებით მოისმინონ ინფორმაცია როგორც აღმასრულებელი ხელისუფლების, ასევე, საერთაშორისო ინსტიტუტების, არასამთავრობო ორგანიზაციების წარმომადგენლებისა თუ დამოუკიდებელი ექსპერტებისგან.

შიდა ქართლის რწმუნებულის თქმით, ახალგაზრდებთან მსგავსი ტიპის შეხვედრები საჭირო და აუცილებელია, მითუმეტეს ისეთი თემების გარშემო, როგორც ნატო და ევროკავშირია.

შეხვედრის ბოლოს ახალგაზრდებმა მათთვის საინტერესო შეკითხვები დასვეს, რაზეც ამომწურავი პასუხები მიიღეს.

### შეხვედრა სურამის მოსახლეობასთან

23 ოქტომბერს, ქალაქ ხაშურისა და დაბა სურამის მოსახლეობის აზრს ხაშურის მუნიციპალიტეტის მერთან-გიორგი გურასპაშვილთან ერთად, საქართველოს პარლამენტის წევრები: სიმონ ნოზაძე, თემურ ხუბულური, შიდა ქართლის მხარეში სახელმწიფო რწმუნებულის მოადგილე ამირან ქრისტესიაშვილი, ხაშურის მუნიციპალიტეტის საკრებულოს თავმჯდომარე მიხეილ ჯანაშვილი, მერიისა და საკრებულოს წარმომადგენლები ისმენდნენ.

დაბა სურამში მოსახლეობასთან შეხვედრებზე მუნიციპალიტეტის მერმა უკვე განხორციელებულ და დაგეგმილ ინფრასტრუქტურულ პროექტებზე ისაუბრა და მცხოვრებლების საყოფაცხოვრებო საჭიროებებს გაეცნო.

საუბრისას აღინიშნა, რომ მომავალი წლისათვის სურამში მრავალი ინფრასტრუქტურული პროექტი უნდა განხორციელდეს. მათ შორის, სურამის ციხის რეაბილიტაცია, ღესია უკრაინკას მუხეუმის მშენებლობა, მთელი რიგი ქუჩების მოასფალტება, სტადიონის მშენებლობა და სხვა... იქვე გადაწყდა, რომ ასეთი შეხვედრები რეგულარული გახდება და ნებისმიერ დროს, მოსახლეობის მოთხოვნისთანავე შედგება.

იმ დღესვე, შეხვედრები ყოფილი აგურის ქარხნისა და წმ. ნიკოლოზის სახელობის ტაძრის მიმდებარე ტერიტორიებზე, მინის ტარის დასახლებაში გაიმართა.

ამ ფორმით მოსახლეობის აზრის მოსმენა და შესწავლა აუცილებელია მომავალი პროექტების ეფექტურად დასაგეგმად.



საქართველოში იმუნიზაციის სახელმწიფო პროგრამა 1996 წლიდან ხორციელდება და მისი მიზანია ქვეყნის მოსახლეობის დაცვა ვაქცინაციით მართვადი დაავადებებისაგან და ხარისხიანი მომსახურებით უზრუნველყოფისათვის. მოგეხსენებათ, რომ შემოდგომით აქტიურდება გრიპის ვირუსი, რაც დიდ საფრთხეს უქმნის მოსახლეობას, მისგან თავის დაცვის საუკეთესო გამოსავალი და საშუალება, დროული ვაქცინაციაა, რაც თავიდან აგვაცილებს ჯანმრთელობისა და სიცოცხლისათვის შექმნილ საფრთხეებს. სახელმწიფო პროგრამა, რომელიც მოსახლეობის გრიპის ვირუსის წინააღმდეგაა მიმართული, ყოველწლიურად, ოქტომბრის თვიდან იწყება. ამ პროგრამის არსებობა საუკეთესო პრევენცია და დაცვაა, შემდგომი გართულებების, რომლებიც ხშირად, ადამიანთა სიკვდილიანობითაც კი სრულდება. თუ რამდენად მნიშვნელოვანია იმუნიზაცია, რა კატეგორიის ადამიანებს შეუძლიათ ისარგებლონ

## იწყება გრიპის საწინააღმდეგო აცრების კამპანია



უფასო ვაქცინაციით, რამდენად უსაფრთხოა ვაქცინაცია, ამ და სხვა საკითხებზე და იმუნუზაციის კუთხით არსებულ სიახლეებზე, ხაშურის საზოგადოებრივი ჯანდაცვის ცენტრის უფროსი დავით ჩიქოვანი ისაუბრებს:

- ბატონო დავით, როგორც ვიცი, გრიპის სეზონი დაიწყო, მზადაა თუ არა თქვენი სამსახური გრიპის ვირუსის საწინააღმდეგო აცრებისათვის?

- დიახ, 2019-2020 წლის გრიპის ვირუსების სეზონი უკვე დაიწყო, აქტიური მონიტორინგი იწყება მეორმოცე კვირას, სამი კვირაა გასული და არც ერთი შემთხვევა არ დაფიქსირებულა ჯერ. როგორც დაავადებათა კონტროლის ეროვნული ცენტრი გვატყობინებს, ვირუსის გააქტიურებას ელოდებიან ნოემბრის შუა რიცხვებიდან. არის პროგნოზი, რომ წელს შედარებით დაბალი იქნება ინფიცირების რისკი და მაჩვენებელი წინა წლებთან შედარებით დაიკლებს. ეს განპირობებულია განათლების მაღალი დონით, ვაქცინაციის ჩატარებით და მოსახლეობის მზაობით. ვაქცინაცია, როგორც წესი, ოქტომბრის ბოლოდან იწყება ხოლმე, რიგი მიზეზების გამო, წელს ცოტა დაიგვიანა. დაახლოებით 10-დღიდან ორ კვირამდე ჭირდება აცრიდან ვაქცინას, რომ გამოიმუშაოს ანტივირუსები.

- რა ტიპის ვაქცინაა და ვის შეუძლია ისარგებლოს უფასო იმუნიზაციით?

- ეს გახლავთ ოთხკომპონენტური ვაქცინა, ფრანგული წარმოების. მასში შედის ა ტიპის H<sub>1</sub> და H<sub>2</sub> ვირუსები და ბ ტიპის ორი კომპონენტი, დაახლოებით ორ კვირაში გვექნება. სახელმწიფო აფინანსებს გარკვეულ რისკ ჯგუფებს: მედიცინის მუშაკების, საბავშვო ბაღის აღმზრდელების, ორსულების, დედათა და ბავშვთა დაწესებულებების, მოხუცთა თავშესაფრების თანამშრომლებს, დიალექზზე მყოფ პაციენტებს, ც ჰეპატიტის მქონე ადამიანებს.

- რაიმე რისკ ჯგუფები ხომ არ არსებობს იმ ადამიანებისთვის, ვისთვისაც იმუნიზაცია არ შეიძლება?

- განსაკუთრებული ჩვენება არ არსებობს, შეიძლება მხოლოდ ალერგიული ფონის შემთხვევა იყოს, პირადად მე, ალერგიული ვარ, თუმცა, შეიძლება წელია ვიცრები და პრობლემა არ მქონია.

- იმუნიზაციის შემთხვევაში, რამდენად დაცულები ვართ გრიპის ვირუსით ინფიცირებისგან, ან შესაძლო გართულები-

სგან?

- შეიძლება დაინციფირდეს ადამიანი, თუმცა ბევრად მარტივად ხდება ვირუსთან გამკლავება, როგორც ახასიათებს გრიპის ვირუსს. ამ დროს ბევრი რამაა წინა პირობა, აცრიდან რამდენ ხანში დაინფიცირდა ადამიანი, იყო თუ არა, ანტისხეულები გამომუშავებული და სხვა.

- აცრებთან დაკავშირებით არსებობს აზრთა სხვადასხვაობა, რომ იწვევს სხვადასხვა ტიპის გართულებებს, რა შეგიძლიათ ამასთან დაკავშირებით რომ გვითხრათ?

- ყველანაირ აცრასთან არსებობს სკეპტიკური დამოკიდებულებები, სანდოობა არც თუ ისეთი მაღალია, საქართველოში შემოსული ვაქცინა, არის მსოფლიო ჯანდაცვის ორგანიზაციის მიერ ლიცენზირებული ვაქცინა. არ აქვს მნიშვნელობა, რომელი ქვეყნის მიერაა წარმოებული, პრეპარატი აბსოლუტურად იგივეა. - ვაქცინა განსაზღვრული რაოდენობით მოგეწოდებათ?

- წინა წლის მონაცემების გათვალისწინებით ვახდენთ დაზუსტებას, ზოგჯერ იყო შემთხვევა, ჩამოტანილი ვაქცინა დაგვრჩა, იმის გამო, რომ არ აიცრენ. პირდაპირ არის მიღებული კატეგორები, იმ ადამიანების, ვისაც შეუძლიათ ამ პროგრამით სარგებლობა, მაგალითად, რამდენია დიალექზზე მყოფი, რამდენია მედიცინის მუშაკი და ა.შ. სადაც არ უნდა აიცრას ადამიანი, სპეციალური იმუნიზაციის პროგრამაში უნდა მოხდეს აღრიცხვა, სრული მონაცემებით.

- ვის შეუძლია უფასო ვაქცინაციით სარგებლობა?

- 2019 წლის იანვარში გამოვიდა ბრძანება სავალდებულო გრიპის აცრების შესახებ, რაც ითვალისწინებს მედიცინის მუშაკების, აღმზრდელ-მასწავლებლების სავალდებულო აცრის შესახებ.

- ადამიანებს, რომლებიც ვერ ხვდებიან სახელმწიფოს მიერ დადგენილ კატეგორიებში, როგორ უნდა მოხდეს მათი იმუნიზაცია?

- ესაა უკვე კერძო კლინიკების პრეროგატივაა რადგან ესაა იმუნიზაცია და აცრის წესები უნდა დავიცვათ და მოხდეს დაკვირვება პაციენტზე. პრეპარატი, რა თქმა უნდა, ფასიანია.

- როგორც ვიცი, მეორე წელია ხორციელდება აცრები პაპილომა ვირუსის წინააღმდეგ. მოსახლეობის ცნობიერების დონე როგორია ამასთან დაკავშირებით და შესაბამისად, რამდენად დიდია მომართვიანობა?

- სექტემბრის თვიდან დაიწყო პაპილომა ვირუსის წინააღმდეგ აცრები. დაიწყო ცნობიერების ამაღლების კამპანია, ვცრით 10,11,12 წლის გოგონებს, ეს ყველაზე კარგი პერიოდია, რადგან ამის შემდეგ იწყებენ სქესობრივ ცხოვრებას და მნიშვნელოვანია აცრების ჩატარება საშვილოსნოს ყელის კობოს პრევენციისთვის. ბევრი მშობელი დიდი სიხარულით და ინტერესით შეხვდა ამ ფაქტს, რადგან იციან, რა ტიპის პრობლემის შესაძლო განვითარებასთან შეიძლება გვეკონდეს საქმე. საკმაოდ ძვირი ღირს ვაქცინა და სახელმწიფო ამის შესაძლებლობას აძლევს მათ. არსებობს სკეპტიკური დამოკიდებულება, რომ პაპილომა ვირუსის საწინააღმდეგო ვაქცინაცია იწვევს უშვილობას, რაც ნამდვილად სიცრუეა და დადასტურებული ფაქტია ეს. ჯერ კიდევ წლების წინ, როცა პროგრამა მხოლოდ თბილისში ხორციელდებოდა, ჩემ ორივე გოგონას ჩაუტარე პაპილომა ვირუსის წინააღმდეგ აცრა. მინდა, მშობლებს მოვუწოდო, გამოიყენონ ეს შესაძლებლობა და დაიცვან საკუთარი შვილები საშვილოსნოს ყელის კობოს შესაძლო განვითარებისგან. ვაქცინა საკმაოდ ძვირი ღირს და ნამდვილად დიდი ფუფუნებაა ასეთი ტიპის აცრების შესაძლებლობა.

ალბათ ძალიან ბევრი დამეთანხმება, რომ იმუნიზაცია-ვაქცინაცია, ყველაზე დიდი აღმოჩენაა, 13 წელია ამ სამსახურში ვარ და ყოველთვის მოვუწოდებდი მოსახლეობას, დაიცვან როგორც საკუთარი, ასევე სხვისი შვილებიც. გრიპითაც იღუპებიან ადამიანები, წითელა ვირუსითაც, დიფტერიითაც, და რა თქმა უნდა, პაპილომა ვირუსითაც. ვისურვებდი, რომ ყველანაირი დაავადების საწინააღმდეგო ვაქცინა შეიქმნას, რომ მეტი პრევენციული ზომა იქნეს მიღებული. როგორც უკვე აღვნიშნე, შეიძლება წელია, მეც და ჩემი ოჯახიც იმუნუზაციის საშუალებით ვიცავთ თავს გრიპის ვირუსის ეპიდემიისგან.

თ. ჯავახიშვილი



დღეს ვიწყებთ, ისტორიკოსის, ხაშურის სამუზეუმო გაერთიანების დირექტორის თამაზ ლაცაბიძის ნაშრომი „ხაშურის მუნიციპალიტეტის საფორტიფიკაციო ნაგებობების“ გამოქვეყნებას, სადაც ავტორი ძალზე საინტერესოდ გვიამბობს ჩვენში არსებული ციხე-კოშკების ისტორიას და მათ როლს ქვეყნის თავდაცვის საქმეში. ვფიქრობთ, ნაშრომი არა მარტო სპეციალისტებს, ისტორიკოსებს, არამედ მკითხველთა ფართო წრესაც დაინტერესებს.

იამბე, ციხის ნაშალო, რა დრო გაქ გამოვიდიო, ვისინა აგებული ხარ, ვისინა ჩამოშდიო. ხახური

საქართველოს მთა და ბარი მოფენილია ციხე-სიმაგრეებითა და კოშკებით, რომლებიც, საუკუნეების მანძილზე, ერთგულ დარაჯებად ედგნენ ქვეყანას. გაცილებას იწვევს, თუ როგორ ახერხებდნენ ჩვენი წინაპრები მისადგომად თითქმის მიუვალ ადგილებში ციხე-სიმაგრეების აშენებას. მათი აგება ხდებოდა არა შემთხვევით, არამედ წინასწარ, კარგად შერჩეულ ადგილებში, რომლებსაც დიდი სტრატეგიული მნიშვნელობა ენიჭებოდა ქვეყნის ცხოვრებაში. ასეთი სტრატეგიული ადგილები იყო ქვეყნის შიდა რეგიონების დამაკავშირებელი გზები და გადასასვლელი.

ასეთი მნიშვნელოვანი სტრატეგიული ადგილებით გამოირჩევა დღევანდელი ხაშურის რეგიონი.

ძველ გზებსა და გზაჯვარედინებზე, გადასასვლელზე დღესაც ამაყად დგან ჩვენი წარსულის ეს უტყვი მოწმეები, თუმცა რატომ უტყვი, ალბათ უფრო მეტყველი მოწმეები. უბრალოდ, ცოტა მეტი დაკვირვება გვმართებს და თითოეული ციხე კოშკის ამეტყველება შეიძლება. თუ მათდამი ცოტაოდენი ინტერესი შეგაძნის, ისინი დაუფარავად გიმხელენ თავიანთ თავგადასავალს, რომელიც ჩვენი ქვეყნის ისტორიის დიდ მდინარებას ერთვის და ერთ მთლიან სურათს ქმნიან ქვეყნის თავგადასავალს.

ხაშურის რაიონი შიდა ქართლის უკიდურეს დასავლეთ ნაწილში მდებარეობს. იგი დასავლეთისა და ჩრდილოეთის მხრიდან ლიხის, ხოლო სამხრეთიდან - თრიალეთის მთებით არის შემოსაზღვრული. აღმოსავლეთით კი შიდა ქართლის ვაკეზე იშლება.

ასეთმა მდებარეობამ განსაზღვრა მისი როლი და ადგილი საქართველოს ისტორიაში. აქ იყრიდა თავს აღმოსავლეთ, სამხრეთ და დასავლეთ საქართველოს დამაკავშირებელი გზები, რომელთა არსებობაც მორეული წარსულიდან დასტურდება არამარტო ქართულ, არამედ უცხოურ (ბერძნული, რომაული და სხვა) წყაროებშიც.

ასეთი მნიშვნელოვანი გზების აქ არსებობამ უცილებელი გახდა მათი დაცვა და კონტროლი. ამავე ფაქტორმა განაპირობა აქ ისეთი ცნობილი ქალების აღმოცენება და დაწინაურება, როგორებიცაა ალი და სურამი და აქვე ციხე-სიმაგრეების აგება.

ხაშურის რეგიონში მრავლად ყოფილა ციხე-სიმაგრეები და კოშკები. ფრანგი მოგზაური ჟან-შარდენი, რომელიც საქართველოში 1672-1673 წლებში იმყოფებოდა, წერს: „... გაეჩერდით სურამის ველზე, ციხესთან ახლოს დიდ სოფელში, რომელსაც ასევე სურამი ჰქვია. სურამის ველი ძალიან ღამაზი ადგილია, დაფარულია დაბალი ტყეებით, სოფლებით, ბორცვებით, აგარაკებითა და ქართველ დიდებულთა პატარა ციხეებით“.

ჟან-შარდენს ესმინება გერმანელი მეცნიერი და მოგზაური აუგუსტ პაქსტაუზენი, რომელმაც 1843 წელს იმოგზაურა საქართველოში. იგი, თითქმის ორი საუკუნის შემდეგ, იგივეს იმეორებს რეგიონში ციხე-სიმაგრეთა სიმრავლის შესახებ, რასაც ფრანგი მოგზაური აღნიშნავდა. ქუთაისიდან მომავალი პაქსტაუზენი სურამის ციხისა და მისი შემოგარენის შესახებ წერს: „როცა ჩავვდივით ვაკეზე, სურამის საღვრიდან ოთხ ვერსზე, ვაკე ადგილზე, განმარტობით აზიდულ ციხეებზე ბორცვზე იყო საუცხოო ციხის ნანგრევები... მის წინ, ერთმანეთისაგან 1000 ნაბიჯის დაშორებით იყო მთელი რიგი ცალკეული კოშკებისა. მე ისინი 5 დავთვალე ციხის ირგვლივ. ციხის უკან იყო ასევე რამდენიმე მაღლობი სიმაგრეთა ნაშთებით. მსგავსი კოშკები თითქმის ყველა ქართველ სოფელში და მემამულეთა სამფლობელოშია...“ (2).

ორივე შემთხვევაში, როგორც ჟან-შარდენთან (XVII ს-ის 70-იანი წლები), ასევე აუგუსტ პაქსტაუზენთან (XIX ს-ის 40-იან წლები), ჩვენს ყურადღებას იქცევს ის ფაქტი, რომ სურამში კარგად ცნობილი ციხის გარდა სხვა არაერთი სიმაგრე - კოშკი ყოფილა. მარტო ციხის სიახლოვეს პაქსტაუზენი ხუთ კოშკს ითვლის. უფრო მეტიც, მაღლობებზე ჯერ კიდევ ყოფილა შემორჩენილი სხვა სიმაგრეთა ნაშთები.

ეს რომ ასე იქნებოდა, ეჭვიც არ გვეპარება.

ვახუშტი ბატონიშვილის მიხედვით, ყველა ფეოდალს, მიუხედავად შესაძლებლობისა, უნდა ჰქონოდა ციხე-სიმაგრე. „... მთავარისა ჯერი იყო რათა აქუნდეს... ციხე-ქალაქი, სიმაგრე და ხეობანი, და თვინიერ ამისა არა ისახელებოდა მთავრად“. იგივეს ამბობს ვახუშტი ახნაურის შესახებაც: „ხოლო ახნაურსა აქუნდა გუარი და ჩამომავლობა, და სიმაგრე რაიმე მთათა ანუ ბართა, და დაბნები... და თვინიერ ამისა არა იწოდებოდა ახნაურად“.

ე.ი წარჩინებული წოდებისთვის აუცილებელი იყო ჰქონოდა რაიმე ციხე-სიმაგრე, თუ ეს არ ექნებოდა, იგი სრულფასოვან ფეოდალად, ახნაურად არ ჩაითვლებოდა. ამიტომ ისინი ყოველთვის ცდილობდნენ აეგოთ მცირე ზომის ციხე-სიმაგრეები ან კოშკები მაინც.

მურვანიშვილების 1800 წლის 16 მაისის არხაში, გიორგი XII-ისადმი ნათქვამია: „მათის უმაღლესობის ბედნიერის ხელმწიფის წინაშე მოსახსენებელი მათის მონის ღუარსაბ მურვანიშვილისა: ასეც თქვენს მტერს და ორგულს გაუჭირდეს საქმე, როგორცადაც ჩემს კაცებს უჭირდეს. ნაპირს ქვეყანას გახლანან, გვედრებით ოთხი წლის სითარხნე უბოძოთ, რომ აღარაფერზედ არ შეაწუხონ, ვეგების ერთი სიმაგრე კოშკი გავაკეთებინო“.

გიორგი XII ღუარსაბ მურვანიშვილის თხოვნას ითვალისწინებს და მის ყმებს ოთხი წლით ათავისუფლებს (ათარხნებს): „ჩვენი ბძანება არის, რომელნიც ჩვენი მოხელენი და მოსაქმენი ხართ! მეუე ამ არხის პატრონის კაცებისათვის ოთხი წელიწადი სითარხნე გვიბოძებია, რომ ამ ოთხს წელიწადს ყოვლის ფერით თარხანი უნდა იყვნენ. ყველამ ასე იცოდეთ, ამის კაცების არაფერს ხარჯში გარევა არ იქნება“.

ამ არხაში ჩვენს ყურადღებას იქცევს ღუარსაბ მურვანიშვილის სი-

ტყვეები, რომ მისი „კაცები“ „ნაპირს ქვეყანას გახლანან“. სწორედ ეს მომენტი აიძულებდა მას კოშკის აგებაზე გადაწყვეტილების მიღებას.

შეუძლებელი იქნებოდა ქართლის სამეფოს დასავლეთის საზღვართან, ხაშურის რეგიონში, მცხოვრებ „ნაპირს ქვეყნის“ სხვა თავადებსა და ახნაურებს არ ჰქონოდათ თავიანთი სიმაგრეები და კოშკები, რაც, უპირველეს ყოვლისა, თავდაცვის აუცილებლობიდან გამომდინარეობდა. თავად ხიდირბეგიშვილებს, ახნაურებს - აბაზაძეებს, ჩხეიძეებს, იქვე ბეკაში მცხოვრებ თავად აბაშიძეებს აუცილებლად ექნებოდათ თავიანთი სიმაგრეები და კოშკები, ისევე, როგორც თავად ჩხეიძეებს ჰქონდათ იტრიაში.

კოშკების მშენებლობა უხცო რომ არ ყოფილა მხარისათვის, ამაზე მიგვანიშნებს კიდევ ერთი დოკუმენტი, რომელსაც XVIII საუკუნით ათარიღებენ. მიიხსენიან რომ იგი უცნობ პირს ეკუთვნის, თუმცა დოკუმენტის შინაარსიდან გამომდინარე, ვფიქრობთ, იგი ბაგრატიონ-დავითიშვილების რომელიმე წარმომადგენელს უნდა ეკუთვნოდეს. საჩივრის ავტორი ზაად მახვილაძეს უჩივის და ერთ-ერთ ბრალდებად შემდეგს უყენებს: „ტოცვას ერთის საკირის ქვა მოვათხრევენიეთ, - კოშკს ვაპირებდით. მამაჩემი მოკვდა, მოვიშალენით. ეს ქვა მოხის ჩაზიდა, იქ დასწვა და იქ მოიხმარა...“ (6).

იყო შემთხვევები, როცა ხაშურის რეგიონის სოფლები მონაწილეობას დებულბოდნენ მათგან საკმაოდ დაშორებულ სოფლებში კოშკების მშენებლობაში. გიორგი XII-ის 1799 წლის ერთი ბრძანების მიხედვით, ცნობილი

ხდება, რომ სოფელ ფცის კოშკის მშენებლობაში, სხვა სოფლებთან ერთად, მონაწილეობას დებულბოდნენ ალექსანდრე - ევალბოდათ ურმებით მასალის მიზიდვა. მათ 10 ურემი უნდა გამოეყვანათ და თითოეულს ხუთ-ხუთი გზა ქვა უნდა მიეტანა ფცაში.

ისევე, როგორც, საერთოდ, საქართველოს ციხე-სიმაგრეები, ხაშურის რაიონის ციხე-სიმაგრეები დროთა განმავლობაში ცვლილებებს განიცდიდნენ, რაც დაკავშირებული იყო საბრძოლო იარაღის განვითარებასთან. ერთ-ერთი ასეთი მნიშვნელოვანი სახეცვლილება ციხე-სიმაგრეებმა განიცადეს XV-XVI საუკუნეებიდან, როცა საქართველოში ცეცხლსასროლი იარაღი შემოვიდა. ამ დროიდან ციხის კედლებში გაჩნდა სათოფურები, საზარბაზნები და ა.შ.

სპეციალურ ლიტერატურაში მიუთითებენ საქართველოს ციხე-სიმაგრეთა შემდეგ სახეობებზე: ციხე-ქალაქი, ციხე-სიმაგრეები, ციხე-დარბაზები, გალავნები, კოშკები, გამაგრებული ეკლესიები და მონასტრები და სხვა. ხაშურის რეგიონში ზემოთ ჩამოთვლილი სიმაგრეების თითქმის ყველა სახეობა გვხვდება (გარდა ციხე-ქალაქისა).

და მაინც, ქვეყნის პოლიტიკურსა თუ ეკონომიკურ ცხოვრებაში დიდ როლს თამაშობდა გზები. „გზები, მართალია, ძლიერ არის დამოკიდებული გეოგრაფიულ პირობებზე, მაგრამ მათი საბოლოო მიმართულება მაინც წარმოებითი გეოგრაფიით აიხსნება და ეს მით უფრო, რაც უფრო მონაწილეობს ესა თუ ის მხარე ქვეყანათა შორის ეკონომიკურსა და პოლიტიკურ ურთიერთობაში. აქედან გზების მიმართულების ცვლაც ... გზებისა (და მათ ეკონომიკური ურთიერთობის) გათვალისწინებით გასაგები ხდება ამა თუ იმ პუნქტისა თუ რაიონის დაწინაურება - აყვავება, ისე როგორც მეორესი დაცემა - დაქვეითება, მივიწყება... რა თქმა უნდა, აქვე გათვალისწინებული უნდა გვექონდეს, რომ ამა თუ იმ პუნქტის დაწინაურება - აყვავება თვით იწვევს გზების მიმართულების შეცვლას, თუ ასეთი გზა აქამდის უქცევდა მას, მაგრამ თავის მხრით აყვავებაც უზოდ წარმოუდგენელია ...“.

აღმოსავლეთ-დასავლეთ საქართველოს დამაკავშირებელი ძირითადი გზები ლიხის ქედზე გადიოდა. ივანე ჯავახიშვილი წერს: „ვისაც დასავლეთ საქართველოთგან აღმოსავლეთში მოკლე გზით და პირდაპირა მსურდა გადმოსვლა, მას უნდა გადმოეყო ლიხის მთა... სამთარში აქ თუმცა ხშირად დიდი თოვლი იცის ხოლმე, მაგრამ თუ ადამიანს ეჩქარებოდა, ამ გზას მაინც ვერ აუქცევდა“.

ლიხის ქედზე არის რამდენიმე, ისტორიულად ცნობილი უღელტეხილი-გადასასვლელი. ესენია: პერანგას, ხემოჯვარ-კორტოხის, დედაბერას, რიკოთის, სურამის (ფონა) და ციხისძირის (ქვიშეთი-ბუღბუღის ციხე). უმთავრესად ეს გზები მდინარე ფრონეების აუზში მდებარეობენ, მხოლოდ ერთი - ციხისძირის გზა მდინარე შოლის აუზში. გზები ძირითადად ამ მდინარეებს მიუყვებოდა.

უნდა გამოვთქვათ ვარაუდი, რომ ამ გზების საერთო სახელწოდება უნდა იყოს „მატიანე ქართლისისა“ „გზა დასავლისაი“. „გზა დასავლისაი“ რომ ინტენსიურად გამოიყენებოდა საქართველოს ისტორიის მთელ მანძილზე, ამის შესახებ არაერთი მაგალითის მოტანა შეიძლება თუნდაც მარტო „ქართლის ცხოვრებიდან“. ნიკო ბერძენიშვილი კონკრეტულ შემთხვევასთან (853 წ.) დაკავშირებით აღნიშნავს: „...არ ჩანს: „გზა დასავლისა“ ერთი გარკვეული გზის სახელი იყო, თუ ლიხითქითის მიმავალ ყველა გზის შესახებ ითქმოდა“.

ვფიქრობთ, „გზა დასავლისა“ რომელიმე კონკრეტული გზის სახელწოდება კი არ უნდა ყოფილიყო, არამედ მასში იმ გზების საერთო სახელი უნდა ვიგულისხმოთ, რომელიც ლიხის ქედზე გადადიოდა. ეს იქნებოდა სურამიდან, ციხისძირიდან თუ ფრონეების ხეობებიდან გადასასვლელი გზები.

რაც შეეხება სამხრეთ საქართველოსთან დამაკავშირებელ გზას, იგი ბორჯომის ხეობით მდინარე მტკვარს ორივე ნაპირზე მიუყვებოდა, როგორც მარჯვნივ, ისე მარცხნივ.

მდინარე მტკვრის მარცხენა მხარეს გზა გაივლიდა - ურბნის - ქვენატკოცას - მოხისის - დაღალულას - სატივეს - ოსიაურს - ხაშურს - სურამს - ტეხერს - ქვიშეთს - ტაშისკარს - ახალდაბას და ა.შ. მტკვრის მარჯვენა მხარეს გზა თბილისიდან იწყებოდა, ხაშურის რეგიონში გამოივლიდა შემდეგ დასახლებულ პუნქტებს: - ქარელი - ახალსოფელი - წრომი - მიწობი - ხცისი - თაგვეთი - ბრონა - დამხეულა - სათივე - სარმანიშვილის კარი - ახალდაბა - ამ გზის არსებობა არაერთი დოკუმენტით დასტურდება. საყურადღებოა ის ფაქტი, რომ 1609 წლის ივნისში ყირიმელმა თათრებმა სწორედ ეს გზა გამოიყენეს და რბონასთან ედმონლახეს მტკვარი. რაც შეეხება ქართველთა მხედრობას, ისინიც ამ გზით მოძრაობენ და უფრო ზემოთ, ახალდაბასთან ცხენდაცხენ გადმონლახეს მდინარე. ეს გზა საქართველოს ისტორიის ნებისმიერ პერიოდში იქნებოდა გამოყენებული, მით უფრო, რომ იგი მდინარეს მიუყვებოდა თრიალეთის ქედის გასწვრივ. აქედან კი არაერთი გზა მიემართება სამხრეთ საქართველოსკენ.

თამაზ ლაცაბიძე

(გაგრძელება იქნება)

- განათლება -

### ჯაბა დაბაძე - ისტორიის საუკეთესო მასწავლებლის ციფრული მფლობელი გახდა

23 ოქტომბერს, მასწავლებელთა პროფესიული განვითარების ეროვნული ცენტრის დირექტორმა ბერიკა შუკაკიძემ გეოგრაფიის, ისტორიისა და სამოქალაქო განათლების 2019 წლის საუკეთესო მასწავლებლის კონკურსის გამარჯვებულები დააჯილდოვა.

კონკურსში, რომელიც მასწავლებელთა პროფესიული განვითარების ეროვნული ცენტრის ინიციატივით ტარდება, მონაწილეებს ადგილობრივი და საერთაშორისო საგნობრივი სპეციალისტებისგან დაკომპლექტებული კომისია აფასებდა. სხვადასხვა ეტაპის შედეგად, კომისიამ საუკეთესო კანდიდატები შეარჩია. კომისიის წევრები დაესწრნენ თითოეული მათგანის გაკვეთილს, ჩაატარეს ინტერვიუები სასკოლო საზოგადოებისა და ადგილობრივი თემის წევრებთან, ასევე შეისწავლეს თითოეული მასწავლებლის პორტფოლიო.

კონკურსში მონაწილე 8 ფინალისტიდან გამარჯვებულად თითოეული საგნის ერთი სპეციალისტი დასახელდა, რომელთაც მასწავლებლის სახლმა სიგელები, სამკერდე ნიშნები და სახელმძღვანელოები გადასცა.

სამოქალაქო განათლების საუკეთესო მასწავლებელი - თემურ სუვაშვილი გახდა, (სსიპ ქ. მარნეულის 2 და 5 საჯარო სკოლა)

გეოგრაფიის საუკეთესო მასწავლებელი - მარინე ვართუმაშვილი (გორის 12 საჯარო სკოლა), ისტორიის საუკეთესო მასწავლებლის ტიტული კი ჯაბა დაბაძეს ერგო. (ექვთიმე თაყაიშვილის სახელობის ხაშურის მუნიციპალიტეტის დაბა სურამის №2 საჯარო სკოლა)

გამარჯვებულები დააჯილდოვეს შემდეგმა ორგანიზაციებმა: თსუ-ს გეოგრაფიის ინსტიტუტი, საქართველოს ალექსანდრე ჯავახიშვილის სახელობის გეოგრაფიული საზოგადოება, კავშირი მდგრადი განვითარების ეკო ხელვა, შპს „დიო“, გარემოს დაცვისა და სოფლის მეურნეობის სამინისტროს სსიპ

გარემოსდაცვითი ინფორმაციის და განათლების ცენტრი, საქართველოს ეკოტურიზმის ასოციაცია, ისტორიის მასწავლებელთა საქართველოს ასოციაცია.

მასწავლებელთა პროფესიული განვითარების ეროვნული ცენტრი 2019 წელს ყველა საგანში გამოავლენს საუკეთესო მასწავლებელს. ასევე, დაგეგმილია კონკურსი „წლის საუკეთესო სკოლის დირექტორებისთვის“. ამასთან ერთად,



სპეციალური ჯილდოა განკუთვნილი იმ „დამსახურებული მასწავლებლები-სათვის“, რომელთაც განსაკუთრებული წვლილი მიუძღვით ამ პროფესიის განვითარებაში.



### მცხეთიჯვარი - ნალვლის გზის მშენებლობა აქტიურად მიმდინარეობს

სოფელ მცხეთიჯვრიდან სოფელ წაღვლამდე გზის მოასფალტების სამუშაოები მოინახულეს ხაშურის მუნიციპალიტეტის მერმა გიორგი გურასპაშვილმა, მერის მოადგილეებმა: ზვიად ქურდაძემ და ზურაბ როსებაშვილმა. მათი განმარტებით, სამუშაოები გეგმაზომიერად მიმდინარეობს, ამ ეტაპზე ასფალტის მეორე ფენა იდება. პროექტის მიხედვით, ჯამში 3 კილომეტრნახევრიანი ასფალტის საფარი დაიდება.

სოფელ მცხეთიჯვრიდან წაღვლამდე გზის მოასფალტების პროექტი მნიშვნელოვანია იმიტომაც, რომ ხაშურის მუნიციპალიტეტის კონფლიქტისპირა სოფლების მცხოვრებლებს საყოფაცხოვრებო პირობები მკვეთრად გაუმჯობესდებათ. პროექტი ორწლიანია, თანადაფინანსებით ხორციელდება და მისი ჯამური ღირებულება 2 947 999 ლარს შეადგენს.

### ახალგაზრდული იდეების კონკურსი

60 ახალგაზრდა საქართველოს ხუთი მუნიციპალიტეტიდან - ცაგერი, ტყიბული, ჭიათურა, სურამი და გარდაბანი - მონაწილეობენ ახალგაზრდული იდეების კონკურსში, რომელიც ხელს შეუწყობს მათი მშობლიური ქალაქების განვითარებას.

გამარჯვებული 2019 წლის ნოემბერში გამოვლინდება. საუკეთესო იდეების ავტორები გაემგზავრებიან ჩეხეთში, სადაც პოლიტიკაში ახალგაზრდების ჩართულობის ევროპულ გამოცდილებას გაეცნობიან.

კონკურსის ორგანიზატორია ჩეხური არასამთავრობო ორგანიზაცია AGORA Central Europe, ხოლო მხარდამჭერები გაეროს განვითარების პროგრამა, დანიის მთავრობა და საქართველოს რეგიონული განვითარებისა და ინფრასტრუქტურის სამინისტრო.



### შიდა ქართლის 429 წარჩინებულ მოსწავლეს საჩუქრად უომპიუტერები გადაეცათ

პროგრამის „ჩემი პირველი კომპიუტერი“ ფარგლებში გამართულ ღონისძიებას შიდა ქართლის სახელმწიფო რწმუნებული გიორგი ხოჯევანიშვილი, საგანმანათლებლო და სამეცნიერო ინფრასტრუქტურის განვითარების სააგენტოს ხელმძღვანელი ზვიად როსტომაშვილი, ადგილობრივი თვითმმართველობის წარმომადგენლები და შიდა ქართლის მუნიციპალიტეტების რესურსცენტრების უფროსები დაესწრნენ, რომელთაც წარჩინებული მოსწავლეები პირადად დააჯილდოვეს.

„გულოცავ თითოეულ მოსწავლეს. განათლება საუკეთესო საშუალებაა უკეთესი მომავლის შექმნისთვის და ჩვენმა ახალგაზრდებმა ეს კარგად იციან.“ - აღნიშნა გიორგი ხოჯევანიშვილმა.

პროგრამა „ჩემი პირველი კომპიუტერი“ 2009 წლიდან წარმატებით ხორციელდება. პროგრამის მიზანს მოსწავლეთა მოტივაციის ამაღლება და ინფორმაციულ-საკომუნიკაციო ტექნოლოგიებზე დაფუძნებული სწავლასწავლების მეთოდების გაძლიერება წარმოადგენს.

აღნიშნულ ღონისძიებაზე ჩვენი მუნიციპალიტეტიდან 80 წარჩინებული მოსწავლე დააჯილდოვდა.



შემოდგომის პეიზაჟები ჩვენს მუნიციპალიტეტში

ანხილ სუთიაშვილის ფოტოები

გომის საბავშვო ბაღში სასწავლო პროცესი განახლდა

ახლადრეაბილიტირებული №13 სააღმზრდელო დაწესებულება ოფიციალურად მუნიციპალიტეტის მერმა გიორგი გურასპაშვილმა, მერის მოადგილეებმა: ზვიად ქურდაძემ, ზურაბ როსუბაშვილმა და სააღმზრდელო დაწესებულებების გაერთიანების ხელმძღვანელმა თათია ბროლიძემ გახსნეს.



პირველი განმავლობაში შენობის მხოლოდ ნაწილი იყო გარემონტებული და ერთი სააღმზრდელო ჯგუფი ფუნქციონირებდა, ამჯერად კი შესაძლებელი გახდა ჯგუფების დამატება. სააღმზრდელო დაწესებულების სარეაბილიტაციო სამუშაოები მთლიანად ადგილობრივი ბიუჯეტიდან განხორციელდა და ჯამში 35 281 ლარი დაიხარჯა.

უჩვეულო მოვლენა აძვისში

პლანეტის გლობალური დათბობის პროცესი მთელ მსოფლიოს აშფოთებს, ამ პროცესის თანმდევ მოვლენებს კი უკვე თითოეული ჩვენგანი გრძნობს. თუმცა, რაღა გრძნობს, - პირდაპირ ვხედავთ. შორს წასვლა აღარც გვჭირდება-ჩვენი მუნიციპალიტეტის მაგალითიც კმარა. 20-25 წლის უკან, თითქმის წარმოუდგენელი იყო, საქართველოს სხვა რეგიონებში გავრცელებული კულტურების ჩვენთან მოყვანა. დღეს კი, ვთქვათ, ლეღვის ან კარალიოკის ხილვა ბევრი ოჯახის ეზოებშია შესაძლებელი.



აღარც ის გვიკვირს, რომ რთველიც, ჩვეულ ნორმაზე, ორი კვირით ადრე იქნება და ზაფხულის თუ შემოდგომის "დადგენილი" ვადებიც მკვეთრად შეიცვალა. აგერ, ეს ფოტოც კიდევ ერთი დადასტურებაა ამ ყველაფრის. 15 წელია ეს ვაშლის ხე დგას აძვისში.

გამარჯვება გორში

გასულ კვირას, ქალაქ გორში „გორის დღე 2019“-ის აღსანიშნავად, სხვადასხვა სპორტის სახეობებში შეჯიბრი გაიმართა, მათ შორის იყო ტურნირი მკლავჭიდიში, სადაც ერთპიროვნული ლიდერობა ხაშურში მცხოვრებმა დავით კილაძემ არაგვის დაუთმო. შეიღვზის წარმატებული შერკინების შემდეგ, ის გამარჯვებული დაბრუნდა შინ.



გამარჯვებულს მედალი და თასი გორის მუნიციპალიტეტის მერიამ და გორის მუნიციპალიტეტის სპორტის განვითარების სააგენტომ გადასცა. დავით კილაძე: მონაწილეობა მივიღე მკლავჭიდიში, სადაც აბსოლუტურ წონით კატეგორიაში ვიასპარეზე. პირველი შერკინებისას მსაჯების არაკომპეტენტურმა საქციელმა ჩემი დამარცხება გამოიწვია, მაგრამ საბედნიეროდ მკლავჭიდიში ერთი დამარცხების უფლება აქვს სპორტსმენს, ხოლო მეორე დამარცხების შემთხვევაში საერთოდ ეთიშება ასპარეზობას. ამიტომ წაგების უფლება აღარ მქონდა და თუ მინდოდა გამარჯვება მომეპოვებინა ყველა შერკინება უნდა მომეგო და ასეც მოხდა, ყველა შერკინება ერთმანეთის მიყოლებით მოვიგე და შედეგად ტურნირში გავიმარჯვე. უფლოცავთ დავითს ამ გამარჯვებას და იმედს გამოეთქვამთ, რომ იგი, მომავალში, უფრო დიდ ტურნირებშიც ისახელებს თავს.

პატიოსნად ასრულებს თავის მოვალეობას და ყოველ შემოდგომას უხვ ნაყოფს აძლევს პატრონს. წელს, კი, თვითონაც ვეღარ ხვდება, რა ემართება. ვაშლი ისევე პატიოსნად მოისხა და შემოდგომის მიწურულს, როდესაც ფოთლები უნდა შემოიძარცვოს და ზამთარს დაელოდოს, შემოდგომის სითბოებმა იმდენად აურიო გონება, რომ ყვავილობა დაიწყო. ჰოდა, დგას ახლა აძვისში საწყლად გონებააშლილი ყვავილობს ხე, თან რომ დამწიფებული ნაყოფი აქვს, თანაც ყვავილობს. აი, რა იცის ამ შეჩვენებულმა გლობალურმა დათბობამ!

გიწვევთ ტრენინგზე

არასამთავრობო ორგანიზაცია „ხაშურის რაიონის სამოქალაქო მრჩეველთა კავშირი“ ახორციელებს პროექტს „სამოქალაქო განათლება-აქტიური ამომრჩეველი“. პროექტის ფარგლებში, 29 ოქტომბერს, დაიწება ტრენინგი საარჩევნო, გენდერული და სახელმწიფო მოწყობის საკითხებზე. ტრენინგები თითოეული ჯგუფისათვის ოთხდღიანია. ტრენინგები გაგრძელდება 22 ნოემბრამდე და გაიცემა სერტიფიკატები. ტრენინგი ჩატარდება ხაშურის საოლქო-საარჩევნო კომისიის ოფისში (ხაშური, კოსტავას ქ. №7). მსურველები (18 წლიდან) დაგვიკავშირდით ტელეფონზე 551 410 150 ან ელ. ფოსტაზე [mindiaqurdadze@gmail.com](mailto:mindiaqurdadze@gmail.com) მინდია ქურდაძე, პროექტის მენეჯერი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail [Khashurismoambe2015@gmail.com](mailto:Khashurismoambe2015@gmail.com) მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.